

BOSNA I HERCEGOVINA

Brčko distrikt BiH

**SKUPŠTINA**

**BRČKO DISTRIKTA BiH**



БОСНА И ХЕРЦЕГОВИНА

Брчко дистрикт БиХ

**СКУПШТИНА**

**БРЧКО ДИСТРИКТА БиХ**

*Mladena Maglova 2, 76100 Brčko distrikt BiH, telefon i faks: 049/215-516*

*Младена Маглова 2, 76100 Брчко дистрикт БиХ, тел. и факс: 049/215-516*

Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na 49. redovnoj sjednici održanoj 29. maja 2019. godine, usvaja

**ZAKON**  
**O IZMJENAMA I DOPUNAMA ZAKONA**  
**O ODUZIMANJU NEZAKONITO STEČENE IMOVINE**

**Član 1**

U Zakonu o oduzimanju nezakonito stečene imovine (Službeni glasnik Brčko distrikta BiH, broj 29/16) u članu 2 iza tačke k) dodaje se nova tačka l) koja glasi:

„l) Stručna služba Pravosudne komisije (u daljnjem tekstu: Stručna služba) je organizacioni dio Pravosudne komisije nadležan za upravljanje privremeno oduzetom imovinom;”.

Dosadašnje tačke l), m), n), o) i p) postaju tačke m), n), o), p) i r).

U dosadašnjoj tački m) riječi: „o čijem se čuvanju i upravljanju, u skladu sa zakonom, stara Sud” se brišu.

Iza dosadašnje tačke p) dodaje se nova tačka s) koja glasi:

„s) Upravljanje privremeno i trajno oduzetom imovinom podrazumijeva čuvanje, skladištenje, korištenje, iznajmljivanje, davanje u zakup, prodaju, poklon, uništenje, povrat i svaki drugi oblik raspolaganja oduzetom nezakonito stečenom imovinom u skladu s ovim zakonom;”.

**Član 2**

U članu 4 stavu 1 riječi: „je kao poseban minimum propisana kazna od tri godine”, zamjenjuju se riječima: „se može izreći kazna zatvora od tri godine ili teža kazna”.

**Član 3**

Član 17 mijenja se i glasi:

„Član 17  
(Osiguranje nezakonito stečene imovine)

- (1) S ciljem osiguranja nezakonito stečene imovine, tužilac može u toku ili nakon okončanja krivičnog postupka, ili kada nisu ispunjeni uslovi za vođenje krivičnog postupka zbog okolnosti iz člana 5 stava 1 ovog zakona, predložiti osiguranje bilo kojom privremenom mjerom kojom se najefikasnije može postići svrha osiguranja.
- (2) Osiguranje nezakonito stečene imovine iz stava 1 ovog člana može se odrediti:
  - a) zabranom otuđenja i opterećenjem nekretnine ili stvarnih prava upisanih na nekretnini, uz zabilježbu zabrane u zemljišnim knjigama, oduzimanjem nekretnine i njenim povjeravanjem na upravljanje Stručnoj službi,
  - b) zabranom osumnjičenom, optuženom ili povezanom licu da otuđi, sakrije, optereti ili raspoláže pokretnom imovinom, oduzimanjem i povjeravanjem tih stvari na upravljanje Stručnoj službi,
  - c) oduzimanjem gotovog novca i vrijednosnih papira te njihovom predajom Stručnoj službi,
  - d) zabranom dužniku osumnjičenog, optuženog ili povezanog lica da im dobrovoljno ispuni svoju obavezu te zabranom osumnjičenom, optuženom ili povezanom licu da primi ispunjenje te obaveze, odnosno da raspoláže svojim potraživanjima,
  - e) nalogom banci ili drugom pravnom licu da osumnjičenom, optuženom ili povezanom licu uskrati da na osnovu njihovog naloga izvrši isplatu novčanih sredstava s njihovog računa, u vrijednosti za koju je određena privremena mjera,
  - f) zabranom otuđenja ili opterećenja dionica, vrijednosnih papira, udjela u fondovima, udjela ili poslovnog udjela uz zabilježbu zabrane kod Komisije za papire od vrijednosti Distrikta, Registru privrednih društava, zabranom korištenja ili raspolaganja pravima po osnovu takvih dionica, vrijednosnih papira, udjela u fondovima, udjela ili poslovnih udjela, ili njihovim povjeravanjem Stručnoj službi,
  - g) zabranom dužniku osumnjičenog, optuženog ili povezanog lica da im preda stvari, prenese pravo ili obavi drugu novčanu transakciju.
- (3) O prijedlogu tužioca za određivanje privremenih mjera iz stava (1) ovog člana rješenjem odlučuje Osnovni sud Distrikta koji bi bio nadležan za suđenje u krivičnom postupku za krivično djelo iz kojeg je nezakonito stečena imovina koja je predmet osiguranja.
- (4) Rješenje iz stava 3 ovog člana mora sadržavati i vrijeme na koje je privremena mjera određena, nakon čega Sud, u zavisnosti od ishoda krivičnog postupka za oduzimanje nezakonito stečene imovine, donosi rješenje o produženju privremene mjere ili rješenje o ukidanju privremene mjere.
- (5) Rješenje kojim se određuju mjere osiguranja do podizanja optužnice donosi sudija za prethodni postupak, nakon podizanja optužnice do njenog potvrđivanja sudija za prethodno saslušanje, a nakon potvrđivanja optužnice, sudija pojedinac ili vijeće krivičnog odjeljenja Suda u skladu sa Zakonom o krivičnom postupku, najkasnije u roku od sedam radnih dana od dana podnošenja prijedloga tužioca iz stava 1 ovog člana.
- (6) Ukoliko se radi o prijedlogu za osiguranje oduzimanja nezakonito stečene imovine koji se podnosi u okviru posebnog postupka iz člana 5 ovog zakona, o njemu odlučuje Osnovni sud Distrikta.

- (7) Protiv rješenja iz stava 4 ovog člana može se izjaviti žalba Apelacionom sudu u roku od tri dana od dana njegovog dostavljanja, s tim da žalba ne zadržava izvršenje rješenja.
- (8) Izvršenje rješenja iz stava 3 ovog člana provodi Sud, Stručna služba ili drugi organ određen zakonom.
- (9) Rješenje iz stava 3 ovog člana dostavlja se Sudu, Stručnoj službi ili drugom organu nadležnom za njegovo izvršenje odmah, a najkasnije prvog narednog radnog dana nakon dana donošenja rješenja.
- (10) Postupak izvršenja rješenja iz stava 3 ovog člana smatra se hitnim.”

#### **Član 4**

U članu 22 stav 3 se briše.

#### **Član 5**

U trećem dijelu zakona, naslov Poglavlja I. mijenja se i glasi:

„POGLAVLJE I. NADLEŽNOSTI UREDA I STRUČNE SLUŽBE”.

#### **Član 6**

U članu 25 stav 2 mijenja se i glasi:

„(2) Upravljanje privremeno oduzetom imovinom, na osnovu rješenja Suda iz člana 17 stava 3 ovog zakona, povjerava se Stručnoj službi, koja je u tom smislu nadležna za:

- a) upravljanje privremeno oduzetom imovinom u skladu s odredbama ovog i drugih zakona i podzakonskih akata,
- b) obavljanje i drugih poslova propisanih ovim zakonom.”

U članu 25 iza stava 2 dodaju se novi stavovi 3 i 4 koji glase:

„(3) Prilikom vršenja nadležnosti iz stava 2 tačke a) ovog člana, Stručna služba ne može prodati niti pokloniti privremeno oduzetu nepokretnu imovinu.

(4) Ured i Stručna služba nemaju operativnih nadležnosti za provođenje finansijskih istraga i oduzimanje nezakonito stečene imovine.”

#### **Član 7**

Član 26 mijenja se i glasi:

„Član 26  
(Vrste poslova koje obavljaju Ured i Stručna služba)”

(1) Ured u provođenju svojih nadležnosti obavlja sljedeće poslove:

- a) upravlja trajno oduzetom imovinom;

- b) povjerava stručnu procjenu vrijednosti trajno oduzete imovine Direkciji za finansije Distrikta, drugom organu ili stručnom licu po odredbama ovog i drugih zakona;
- c) vodi evidencije o imovini kojom raspolaže i upravlja, kao i sudskim postupcima u kojima se odlučuje o takvoj imovini;
- d) prikuplja informacije iz sudskih registara, porezne uprave, registra vrijednosnih papira i drugih javnih registara koji se tiču vlasništva nad imovinom;
- e) putem redovnog godišnjeg izvještaja informiše Vladu i Skupštinu Distrikta o stanju u oblasti upravljanja oduzetom imovinom.

(2) Stručna služba u provođenju svojih nadležnosti obavlja sljedeće poslove:

- a) prikuplja od nadležnih institucija podatke, statističke izvještaje i druge informacije iz pravosnažno okončanih postupaka za oduzimanje nezakonito stečene imovine u skladu s ovim zakonom, s ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- b) vrši analize i procjene rizika s ciljem identifikacije faktora i okolnosti koji pogoduju pribavljanju nezakonito stečene imovine;
- c) informiše Skupštinu o rezultatima analiza u području provođenja zakona ili drugih propisa o finansijskim istragama i oduzimanju nezakonito stečene imovine, putem redovnih informacija o radu Pravosudne komisije;
- d) upravlja privremeno oduzetom imovinom, a ukoliko za to postoji opravdana potreba, ovu imovinu može povjeriti na čuvanje drugoj instituciji o čemu se zaključuje poseban ugovor;
- e) povjerava stručnu procjenu vrijednosti privremeno oduzete imovine Direkciji za finansije Distrikta, drugom organu ili stručnom licu u skladu s odredbama ovog i drugih zakona;
- f) vodi evidencije o imovini kojom raspolaže i upravlja i o sudskim postupcima u kojima se odlučuje o takvoj imovini;
- g) inicira i daje preporuke za unapređenje pravnih propisa u oblasti provođenja finansijskih istraga i oduzimanja i upravljanja nezakonito stečenom imovinom;
- h) održava saradnju s Uredom i nadležnim institucijama u Bosni i Hercegovini s ciljem unapređenja upravljanja privremeno oduzetom imovinom;
- i) u saradnji s drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi s finansijskim istragama i u oblasti upravljanja oduzetom nezakonito stečenom imovinom.”

## Član 8

Član 27 mijenja se i glasi:

### „Član 27

(Upravljanje nepokretnom i pokretnom trajno oduzetom imovinom)

(1) Trajno oduzetom nepokretnom i pokretnom imovinom upravlja i raspolaže Ured u skladu s odredbama Zakona o javnoj imovini u Brčko distriktu BiH i ovog zakona.

(2) Ukoliko se u roku od godinu dana pokretna imovina iz stave 1 ovog člana ne proda, ista može biti poklonjena ili uništena.

(3) Odluku o poklonu ili uništenju imovine iz stava 2 ovog člana donosi Vlada Distrikta na prijedlog direktora Ureda.

(4) Prodaja akcija i drugih papira od vrijednosti vrši se u skladu sa zakonima koji uređuju tržište papira od vrijednosti.

(5) Vlada Distrikta, na prijedlog Ureda, donosi pravilnik kojim uređuje postupak poklanjanja ili uništenja imovine iz stava 2 ovog člana.“

## **Član 9**

Član 28 mijenja se i glasi:

„Član 28  
(Prodaja bez objave javnog nadmetanja)

(1) Stručna služba može, bez prethodne objave javnog nadmetanja, donijeti odluku o prodaji privremeno oduzetih pokretnih stvari:

- a) ako je njihovo čuvanje opasno,
- b) ako prijete neposredna opasnost od njihovog propadanja ili znatnog gubitka vrijednosti ili
- c) ako se vlasništvo ne može pouzdano utvrditi.

(2) Sekretar Stručne službe može donijeti odluku da privremeno oduzete stvari iznajmi ili preda u zakup u skladu s njihovom namjenom.

(3) O prodaji imovine iz stava 1 ovog člana Stručna služba obavještava Sud.

(4) Postupak upravljanja privremeno oduzeto imovinom uređuje se pravilnikom koji donosi Pravosudna komisija, na prijedlog sekretara Pravosudne komisije.“

## **Član 10**

Član 29 mijenja se i glasi:

„Član 29  
(Novčana sredstva ostvarena prodajom)

(1) Novčana sredstva dobijena od prodaje imovine iz člana 28 stava 1 ovog zakona Stručna služba drži na posebnom računu do konačne odluke suda o njenom porijeklu.

(2) Ova novčana sredstva mogu se oročavati isključivo kod banaka koje su u većinskom vlasništvu Bosne i Hercegovine, entiteta Bosne i Hercegovine i Brčko distrikta Bosne i Hercegovine, a prihod od kamate pripada Brčko distriktu Bosne i Hercegovine.

(3) Vlasniku privremeno oduzete imovine za koju je u skladu s ovim zakonom utvrđeno da ne potiče iz krivičnog djela, bez odgađanja se vraćaju novčana sredstva dobijena prodajom te imovine uz obračunatu kamatu po viđenju.

(4) Vlasnik koji smatra da isplatom iz stava 3 ovog člana nije isplaćena adekvatna vrijednost imovine može podnijeti Stručnoj službi zahtjev za naknadu štete prouzrokovane privremenim oduzimanjem imovine.

(5) Ako zahtjev za naknadu štete ne bude usvojen ili Stručna služba ne donese odluku po tom zahtjevu u roku od tri mjeseca od dana podnošenja zahtjeva, vlasnik te imovine može nadležnom sudu podnijeti tužbu za naknadu štete u skladu s članom 22 ovog zakona.”

#### **Član 11**

U članu 30 iza stava 1 dodaje se novi stav 2 koji glasi:

„(2) Predmeti iz stava 1 ovog člana, privremeno oduzeti u skladu s ovim zakonom, mogu se ustupiti na čuvanje ili korištenje umjetničkim galerijama, muzejima i kulturnim institucijama, o čemu odluku donosi sekretar Pravosudne komisije.”

#### **Član 12**

U članu 32 stavu 1 iza riječi: „Ured” dodaju se riječi: „i Stručna služba”.

#### **Član 13**

U članu 35 stav 3 mijenja se i glasi:

„(3) Vlada Distrikta i Pravosudna komisija dužne su u roku od šest mjeseci od dana stupanja na snagu ovog zakona donijeti podzakonske akte propisane ovim zakonom.”

#### **Član 14**

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-632/19

Brčko, 29. 5. 2019. godine

**PREDSJEDNIK  
SKUPŠTINE BRČKO DISTRIKTA BiH**

Esed Kadrić